


增註
圖點

孔子家語

歸葉山房發行



線

121.231

245

v. 1

葉

籍




東海王子雍先生增注

孔子家語

歸葉山房彙行



民國十五年五月



孔子家語十卷

魏王肅註肅字子雍東海人官至中領軍散騎常侍事跡具三國志本傳是書肅自序云鄭氏學行五十載矣義理不安違錯者多是以奪而易之孔子二十二世孫有孔猛者家有其先人之書昔相從學頃還家方取以來與余所論有若重規疊矩云云是此本自肅始傳也考漢書藝文志有孔子家語二十七卷顏師古注云非今所有家語禮樂記稱舜彈五絃之琴以歌南風鄭注其詞未聞孔穎達疏載肅作聖證論引家語阜財解愠之詩以難康成又載馬昭之說謂家語王肅所增加非鄭所見故王柏家語考曰四十四篇之家語乃王肅自取左傳國語荀孟二戴記割裂織成之孔衍之序亦王肅自為也獨史繩祖學齋佔畢曰大戴一書雖列之十四經然其書大抵雜取家語之書分析而為篇目其公冠篇載成王冠祝辭內有先帝及陛下字周初豈曾有此家語

止稱王字當以家語為正云云今考陛下離顯先帝之光曜已下篇內已明云孝昭冠辭繩祖誤連為祝雍之言殊未之考蓋王肅襲取公冠篇為冠頌已誤合孝昭冠辭於成王冠辭故刪去先帝陛下字竄改王字家語襲大戴非大戴襲家語就此一條亦其明證其割裂他書亦往往類此反覆考證其出於肅手無疑特其流傳既久且遺文軼事往往多見於其中故自唐以來知其偽而不能廢也其書至明代傳本頗稀故何孟春所註家語自云未見王肅本王鏊震澤長語亦稱家語今本為近世妄庸所刪削惟有王肅註者今本所無多具焉則亦僅見之也明代所傳凡二本閩徐爌家本中缺二十餘頁海虞毛晉家本稍異而首尾完全今徐本不知存佚此本則毛晉所校刊較之坊刻猶為近古者矣

孔子家語篇目

卷第一

相魯

始誅

王言解

大婚解

儒行解

問禮

五儀解

卷第二

致思

三恕

好生

卷第三

觀周

弟子行

賢君

辯政

卷第四

六本

辯物

哀公問政

卷第五

顏回

子路初見

在厄

入官

困誓

國家圖書館



004758557

五帝德

卷第六

五帝

執轡

本命解

論禮

卷第七

觀鄉

郊問

五行解

刑政

禮運

卷第八

冠頌解

廟制解

辯樂解

問玉

屈節解

卷第九

七十二弟子解

本姓解

終記解

正論解

卷第十

曲禮子貢問

子貢問

公西赤問

孔子家語篇目終

孔子家語卷第一

相魯第一

王 肅注

孔子初仕為中都宰。中都魯邑名制為養生送死之節。長幼異食。如禮五十至九十

十食各以強弱異任。任謂力作之事各男女別塗。路無拾遺。器不彫偽。不

偽無文節不詐偽為四寸之棺。五寸之槨。以木因丘陵為墳。不封。不聚土

己上養生之節行之一年。而西方之諸侯則焉。魯國在東故西定公

謂孔子曰。學子此法以治魯國。何如。

孔子對曰。雖天下可乎。何但魯國而已哉。於是二年。定公以為司空。乃別

五土之性。五土之性一曰山林二曰川澤而物各得其所生之宜。物各宜

其咸得厥所。先時季氏葬昭公于墓道之南。季平子逐昭公死于乾侯平

也。孔子溝而合諸墓焉。謂季桓子曰。桓子平君以彰已罪。非禮也。今合

之所以掩夫子之不臣。由司空為魯大司寇。設法而不用無姦民。

定公與齊侯會于夾谷。孔子攝相事。曰：臣聞有文事者必有武備，有武事

者必有文備。古者諸侯竝出疆，必具官以從。請具左右司馬。定公從之。至

會所，為壇，土階三等，以遇禮相見。會遇之禮禮之簡略者也。揖讓而登，獻酢既畢，齊使

萊人。哀公六年齊滅萊。以兵鼓譟。譟，子紺切。劫定公。萊人齊之東，夷播鼓曰譟。孔子歷階而進，以公

退，曰：士以兵之。吾兩君為好，裔夷之俘，敢以兵亂之。裔，邊裔夷也。言此三者所獲虜也。

何敢以兵亂兩君之好也。非齊君所以命諸侯也。裔不亂華。華，夏中國之名。俘不干

盟。兵不偪好。於神。盟誓之神。為不祥。於德為僖。僖，愆也。義於人為失禮。君必不然。

齊侯心忤，麾而避之。有頃，齊奏宮中之樂，俳優侏儒戲於前。孔子趨進，歷

階而上，不盡一等。曰：匹夫熒。熒，聞而惑也。烏迴切。侮諸侯者，罪應誅。請右司馬速

加刑焉。於是斬侏儒，手足異處。齊侯懼，有慙色。將盟，齊人加載書曰：齊師

出境而不以兵車三百乘從我者，有如此盟。孔子使茲無還對曰：魯大夫名。而

不返我汶陽之田。齊有汶陽田本魯界吾以共命者亦如之。齊侯將設享禮。孔子謂

梁丘據曰：齊魯之故。故舊典也吾子何不聞焉？梁丘據舊聞齊魯之故事者事既成矣，而又

享之，是勤執事且犧象。象似兩切不出門。作犧牛及象於其背為罇嘉樂不野合，享而既具

是棄禮也。若其不具，是用粢稗也。粢穀之不成者，稗草之似穀者言享不備禮也用粢稗君辱，棄

禮名惡。子盍圖之。夫享所以昭德也，不昭不如其已。乃不果享，齊侯歸責

其羣臣曰：魯以君子道輔其君，而子獨以夷翟道教寡人，使得罪於是，乃

歸所侵魯之四邑及汶陽之田。四邑鄆、讎、龜、陰也。汶陽在魯界，按春秋傳及史記鄆、讎、龜、陰為三邑，今讎亭、龜山及

鄆皆在汶北，豈併汶而言之乎？

孔子言於定公曰：家不臧甲。卿大夫稱也邑無百雉之城。高丈長丈曰雉，古之

制也。今三家過制。三家魯大夫皆桓公之後，孟孫懿子何忌，請皆損之。乃

使季氏宰仲由墮三都。三都費、郕、成也。季孫叔孫孟孫，叔孫輒以庶不得意

於季氏，因費宰公山弗擾，率費人以襲魯。季孫斯將墮費，費宰公山弗擾與叔孫輒帥費人以襲魯。孔

子以公定與季孫斯仲孫孟襄子叔孫州入於費氏之宮登武子之臺季

宿所費人攻之及之公臺側孔子命申句音須樂頌音勒士眾下伐之費人

北敗諸姑蔑二遂墮三都之城強公室弱私家尊君卑臣政化大行按春秋傳

將墮成公斂處父謂孟孫曰成孟氏之保障也墮成齊人必至于北門無成是無孟氏也子偽不知我將不墮公圍成弗克

初魯之販羊有沈猶氏者常朝飲其羊之飽以詐欺市人有公慎氏者妻淫

不制有慎潰氏者奢侈踰法魯之鬻六畜者飾之以儲價及孔子之為政

也則沈猶氏不敢朝飲其羊公慎氏出其妻慎潰氏越境而徙三月則鬻

牛馬者不儲價賣羔豚者不加飾男女行者別其塗道不拾遺男尚忠信

女尚貞順四方客至於邑者不求有司有司常共其職客皆如歸焉言如歸家

無所也

始誅第二

孔子為魯司寇攝行相事有喜色仲由問曰由聞君子禍至不懼福至不

喜。今夫子得位而喜，何也？孔子曰：「然，有是言也，不曰樂以貴下人乎？於是

朝政聽朝七日而誅亂政大夫少正官卯名戮之於兩觀之下兩觀闕名尸於

朝三日。子貢進曰：「夫少正卯魯之聞人也，今夫子為政而始誅之，或者為

失乎？」孔子曰：「居。吾語女忍與切以其故。天下有大惡者五，而竊盜不與焉。一

曰心逆而險，二曰行辟匹亦切而堅，三曰言偽而辯，四曰記醜醜謂非義而博，五

曰順非而澤。此五者有一於人，則不免君子之誅。而少正卯皆兼有之。其

居處足以振振聚也側九反徒成黨，其談說足以飾褒瑩感也為迴切衆，其強禦足以

返是獨立。此乃人之姦雄者也，不可以不除。夫殷湯誅尹諧一作文王，

太一作潘誅潘正一作周，周公誅管蔡，太公誅華士士之為人虛偽以聚黨也而韓，

信其如此而太公誅之，管仲誅付乙一作子產，誅史何一作鄧析。凡此七子皆

異世而同誅者，以七子異世而同惡，故不可赦也。詩云：「憂心悄悄，愠于羣

小。小人成羣，斯足憂矣。」

孔子為魯大司寇。有父子訟者。夫子同猶。

猶獄牢也。猶，胡犬也。善執之。守故以名獄。○猶，部禮反。

三月不別。

謂辯決其子罪。

其父請止。夫子赦之焉。季孫聞之，不說。曰：「司寇欺余。」曩

告余曰：「國家必先以孝。」余今戮一不孝以教民孝，不亦可乎？而又赦，何哉？

冉有以告孔子。孔子喟然歎曰：「嗚呼！上失其道而殺其下，非理也。不教以

孝而聽其獄，是殺不辜。三軍大敗不可斬也。獄犴不治不可刑也。何者？上

教之不行，罪不在民故也。夫慢令謹

嚴也。

誅賊也。徵斂無時，暴也。不試則成

虐也。故無此三者，然後刑可即也。書云：「義刑義殺，勿庸以即汝心。」惟曰：「未

有慎事，言必教而刑也。」

庸，用也。即，就也。刑殺皆當以義，勿用以就汝心之。所安當謹自謂，未有順事且陳道德以服之，以無

刑殺而後為順，是

既陳道德以先服之，而猶不可，尚賢以勸之，又不可。即

廢之。

荀子作廢，不能以單之。單，盡也。謂黜削也。

又不可，而後以威憚之。若是三年而百姓正矣。

其有邪民不從化者，然後待之以刑，則民咸知罪矣。詩云：「天子是毗，俾民

不迷。」

毗，輔也。俾，使也。言師尹當毗輔天子使民不迷也。

是以威厲而不試，刑錯而不用。今世則不

然亂其教繁其刑使民迷惑而陷焉又從而制之故刑彌繁而盜不勝也夫三尺之限一作岸空車不能登者何哉峻故也百仞之山重載陟焉何哉陵遲故也陵遲猶波陀也今世俗之陵遲久矣雖有刑法民能勿踰乎

王言解第三

孔子閑居曾參侍孔子曰參乎今之君子惟士與大夫之言聞也至於君子之言者希也於乎吾以王言之其不出戶牖而化天下曾子起下席而對曰敢問何謂王者言孔子不應曾子曰侍夫子之間也大戴禮作得夫子之間也難是以敢問孔子又不應曾子肅然而懼摳衣而退負負倚也席而立有頃孔子歎息顧謂曾子曰參女可語明王之道與

曾子曰非敢以為足也請因所聞而學焉子曰居吾語女夫道者所以明德也德者所以尊道也是以非德道不尊非道德不明雖有國之良馬不以其道服乘之不可以取取趣也千木切道理雖有博地衆民不以其道治之不

可以致霸王。是故昔者明王內修七教，外行三至。七教修，然後可以守。三至行，然後可以征。明王之道，其守也，則必折衝千里之外；其征也，則必還師衽席之上。故曰：內修七教，而上不勞，外行三至，而財不費。此之謂明王之道也。曾子曰：不勞不費之謂明王，可得聞乎？孔子曰：昔者帝舜、左禹而右皋陶，不下席而天下治。夫如此，何上之勞乎？政之不中，君之患也；令之不行，臣之罪也。若乃十一而稅，用民之力，歲不過三日，入山澤以其時，而無征，關譏市鄽皆不收賦。譏，阿也。譏，異服。視，異言。及市，鄽皆不賦。稅，古之法也。此則生財之路，而明王節之，何財之費乎？曾子曰：敢問何謂七教？孔子曰：上敬老，則下益孝；上尊齒，則下益弟；上樂施，式，至切。則下益寬；上親賢，則下擇友；上好德，則下不隱；上惡貪，則下恥爭；上廉讓，則下恥節。此之謂七教。七教者，治民之本也。政教定，則本正矣。凡上者，民之表也。表正，則何物不正？是故人君先立仁於己，然後大夫忠而士信，民敦俗樸。樸，慤願貌。男慤而女貞，六者教之致也。布

諸天下四方而不窳。也薄納諸尋常之室而不塞。也室等之。等之齊以禮立之

以義。行之以順。則民之棄惡如湯之灌雪焉。曾子曰。道則至矣。弟子不足

以明之。孔子曰。參。以為姑止乎。又有焉。昔者明王之治民也。法必裂地以

封之。分屬以理之。然後賢民無所隱。暴民無所伏。使有司日省而時考之。

進用賢良。退取不肖。則賢者說而不肖者懼。哀鰥寡。養孤獨。恤貧窮。誘孝弟。

選才能。此七者修。則四海之內無刑民矣。上之親下如手足之於腹心。下

之親上如幼子之於慈母矣。上下相親如此。故令則從。施則刑。民懷其德。

近者說服。遠者來附。政之致也。夫布指知寸。布手知尺。舒肘知尋。斯不遠

之則也。周制三百步為里。千步而井。三井而埒。封道曰埒。淮南子曰。道有行埒。又堤也。盧拙反。埒

三而矩。此說里數。不可以言并。非自方里之名疑。此誤。五十里而都。封百里而有國。乃為稽積資

聚焉。恤行者有無。是以蠻夷諸夏。雖衣冠不同。言語不合。莫不來賓。故曰

無市而民不乏。無刑而民不亂。田獵罩弋。罩魚籠弋。繳射也。○罩陟教切。非以盈宮室。為祭

也與養徵斂百姓非以盈府庫也

備人倫慘怛以補不足禮節以損有餘多養君子倫

信而寡貌其禮可守其言可復其跡可履如飢而食如渴而飲民之信之

如寒暑之必驗故視遠若邇非道邇也見明德也是故兵革不動而威用

利不施而親此之謂明王之守折衝千里之外者也曾子曰敢問何謂三

至孔子曰至禮不讓而天下治至賞不費而天下士說至樂無聲而天下

民和明王篤行三至故天下之君可得而知天下之士可得而臣天下之

民可得而用曾子曰敢問此義何謂孔子曰古者明王必盡知天下良士

之名如周禮大司徒教萬民而賓興卿大夫考其禮既知其名又知其實

按周禮卿論其秀士升之司徒而大樂正大司馬以次又知其數如列侯

辯論其官材進其士之賢者以告於王而定其論是也郡守二千石各擇其吏民之賢者歲舉二人又如郡國口二萬以上歲舉

二人口自二萬以至百萬所舉自一人以至五人各有差是也及其所

在焉列侯郡守然後因天下之爵以尊之此之謂至禮不讓而天下治因

天下之祿以富天下之士此之謂至賞不費而天下之士說如此則天下

之名譽興焉。此之謂至樂無聲而天下之民和。故曰所謂天下之至仁者能合天下之至親也。所謂天下之至明者能舉天下之至賢者也。疑有此三者咸通然後可以征。是故仁者莫大乎愛人。智者莫大乎知賢。賢政者莫大乎官能有土之君。修此三者則四海之內共命而已矣。夫明王之征必道之所廢者也。是故誅其君而改其政。弔其民而不奪其財。故明王之政猶時雨之降。降至則民說矣。是故行施彌博。得親彌衆。此之謂還師衽席之上。
言安安而無憂也

大婚解第四

孔子侍坐於哀公。公問曰。敢問人道孰為大。孔子愀變色貌七小切然作色而對曰。君之及此言也。百姓之惠也。固。與後寡人實固之固同陋也臣敢無辭而對。人道政為大。夫政者正也。君為正則百姓從而正矣。君之所為。百姓之所從。君不為正。百姓何所從乎。公曰。敢問為政如之何。

孔子對曰。夫婦別。男女親。君臣信。三者正則庶物物猶事也從之。公曰。寡人雖

無能也。願知所以行三者之道。可得聞乎。孔子對曰。古之為政。愛人為大。所以

六愛人。禮為大。所以治禮。敬為大。敬之至矣。大婚為大。禮以敬為至。大婚

至矣。大婚既至。冕而親迎。親迎者敬之也。雖天子諸侯皆冕而親迎是故君子興敬為

親。捨敬則是遺親也。弗親弗敬。弗尊也。愛與敬。其政之本。與。公曰。寡人願

有言也。然冕而親迎。不已重乎。孔子愀然作色而對曰。合二姓之好。以繼

先聖之後。以為天下宗廟社稷之主。此自天子諸侯言之也。主以長子言。故下曰萬世之嗣也。君何謂

已重乎。魯周公之後得郊天。故言以為天下之主也。公曰。寡人實固。固猶鄙也。謂以冕而親迎為已重也。不固安

得聞此言乎。寡人欲問。不能為辭。請少進。下有一教字

孔子曰。天地不合。萬物不生。大婚萬世之嗣也。君何謂已重焉。孔子遂言

曰。內以治宗廟之禮。足以配天地之神。言宗廟天地神之次出以治直言之禮。足以

立上下之敬。夫婦正則始可以治正言之也。禮身正然後可以正人者也。物恥則足以振之。恥事不知禮足以振教之

國恥則足以興之。恥國不知禮足以興起之故為政先乎禮。禮其政之本與。孔子遂言

曰。三代明王必敬妻子也。蓋有道焉。妻也者。親之主也。冕而親迎為子也。親主於內也。

者。親之後也。冠於阼階為親傳其後也。敢不敬與。是故君子無不敬。敬也者。敬身為大

身也者。親之支也。敢不敬與。不敬其身。是傷其親。是傷其本也。傷其本則

支從之而亡。三者百姓之象也。言百姓之身以及子。妃以及妃。所法而行。

君能修此三者。則大化懾。至也。又及也。乎天下矣。昔者大王之道也。出以

姜女入亦姜女。國無繇民愛其身以及人之身。愛其子以及人之子。故曰大王之道也。如此。國家順矣。公曰。敢問何

謂敬身。孔子對曰。君子過言則民作辭。過行則民作則。言行雖過民猶從之也。言不

過辭。動不過則。百姓恭敬以從命。若是則可謂能敬其身。敬其身則能成

其親矣。公曰。何謂成其親。孔子對曰。君子者。乃人之成名也。百姓與名謂

之君子。猶言與之以君子之名也。則是成其親為君。而為其子也。孔子遂言曰。為政而

不能愛人。則不能成其身。不能成其身。則不能安其土。不能安其土。則不

樂天。安土樂天易中盡性之事隨處皆安而無一息不仁安土也既知天命而又樂天理樂天也不能樂天則不能成

其身。公曰。敢問何謂成身。孔子對曰。夫其行已不過乎物。謂之成身。不過

乎物。合天道也。合物理之當然公曰。君子何貴乎天道也。孔子曰。貴其不已也。如

日月東西相從而不已也。是天道也。不閉而能久。不閉故常通而能久言無極也是天道

也。無為而物成。是天道也。已成而明之。無為雖若難名有成則昭著也是天道也。公曰。

寡人且愚冥。言蠢愚冥暗也幸煩子志之心也。欲煩孔子議識其心所能行也孔子蹴。不自然避安貌

席而對曰。仁人不過乎物。孝子不過乎親。是故仁人之事親也。如事天。事

天如事親。此謂孝子成身。公曰。寡人既聞如此言也。無如後罪何。言寡過之難也

孔子對曰。君之及此言。是臣之福也。

儒行解第五

孔子在衛。冉求言於季孫曰。國有聖人而不能用。欲以求治。是猶却步而

欲求及前人。不可得已。今孔子在衛。將用之已。己也已有才而以資鄰國難

以言智也。請以重幣延之。季孫以告哀公。公從之。事在哀公十一年。孔子

既至舍。哀公館焉。就孔子舍。公自阼階。孔子賓階。升堂立待。公曰：「夫子之服，其

儒服與？」孔子對曰：「丘少居魯，衣逢掖之衣。深衣之也。長居宋，冠章甫之冠。緇布

為之禮冠也。丘聞之，君子之學也博，其服以鄉。隨其鄉俗。丘未知其為儒服也。言非所重

公曰：「敢問儒行。」孔子曰：「略言之，則不能終其物。物猶事也。悉數之，則留更僕未

可以對。留，久也。僕，大僕。君燕朝則正位，掌擯。相更為之久，將倦使之相代者也。哀公命席。孔子侍坐。曰：「儒有

席上之珍，以待聘。席藉也。資也。能藉先王之道以資政治也。夙夜強學，以待問。懷忠信以待舉，

力行以待取。忠信則可任，力行則可使。皆我自力，以有待而不求焉。其自立有如此者，儒有衣冠中，

之仲切。動作慎，大讓如慢。所以自抗，故小讓如偽。所以致曲，故大則如威，小則如媿。

大小以容貌言，大則有所不敢為，難進而易退也。粥粥若無能也。其容貌

有如此者，儒有居處齊莊，古文也。難，齊莊可畏難也。其坐起恭敬，言必誠信，行必中

正。敬也。道塗不爭險易之利，冬夏不爭陰陽之和。怨也。愛其死，以有待也。養其

身以有為也。以不爭近小其備預有如此者。儒有不寶金玉。而忠信以為寶。

不祈。也。祈求也。土地而仁義以為土地。不求多積。而多文以為富。難得而易祿

也。易祿而難畜也。非時不見。不亦難得乎。非義不合。不亦難畜乎。先勞而

後祿。不亦易祿乎。其近人情有如此者。儒有委之以貨財。而不貪。淹之以

樂。五教切。好。虛到切。而不淫。劫之以衆。而不懼。阻。難也。之以兵。而不懾。見利不虧

其義。見死不更其守。鷙蟲攫搏。不程其勇。鷙猛擊也。蟲疑即毛蟲羽蟲之

也。引重鼎。不程其力。量也。喻勇足以犯難。往者不悔。行必當理。來者不豫。知足

不變故。過言不再。不再。流言不極。流言相毀。知足以不斷其威。常嚴不習其

謀。不豫習。其特立有如此者。儒有可親而不可劫。強取也。可近而不可迫。可

殺而不可辱。其居處不過。記作淫。其飲食不溲。溲濃厚也。其過失可微辯。而不

可面數也。疏曰。此句似尚氣好。其剛毅有如此者。儒有忠信以為甲冑。禮

義以為干櫓。干。楯也。櫓。大戟也。戴仁而行。抱義而處。雖有暴政。不更其所。其自立有

如此者。儒有一畝之宮。環堵之室。

方丈曰堵。一堵。言其小者也。

簞門圭窬。

簞門。編荆竹為門也。圭。窬。

穿牆為窬。如圭也。

蓬戶甕牖。

以編蓬為戶。破甕為牖也。

易衣而出。

更相易衣。衣而後可以出。

并日而食。

并。一。

糧以為一食也。

上谷。

谷合也。之。不敢以疑。

道合則信。而。就。之。不。逆。詐。也。

上不谷。不敢以諂。

不合則去。不患。

失其仕。有如此者。儒有今人以居。古人以奢。

稽同。

今世行之。後世以為楷。

法也。

若不逢世。上所不援。下所不推。讒諂之民。有比黨而危之者。身可危也。其

志不可奪也。雖危起居。猶竟身。其志乃不忘。百姓之病也。

起居猶動靜也。竟。終也。言身雖危動。

靜猶終身。不忘百姓。

其憂思有如此者。儒有博學而不窮。

知新故。

篤行而不倦。

可久。故不。

倦。幽居而不淫。

窮不失義也。上通而不困。

達不離道也。

禮必以和。優游也。以法。

有節也。

慕賢而容眾。毀方而瓦合。

陶瓦者毀其圓則方。合。其方復圓。和有辯也。

其實裕有如此者。儒有

內稱不辟親。外舉不辟怨。程功積事。不求厚祿。

程猶効也。言功效。而己不求厚祿也。

推賢達

能。不望其報。

下不責報於人。

君得其志。民賴其德。苟利國家。不求富貴。其舉賢。援

能有如此者。儒有澡身浴德。

常自潔靜其身。澡浴於德行也。

陳言而伏。

入告其君。不揚於外。

言而正

之上不知也。默而翹之。又不急為也。以清靜事君。因事而正之。則君不知默而發之。所以為不為也。不臨

深而為高。不加少而為多。言不因勢位自矜。莊世治不輕。世亂不沮。不自輕。悉不沮。同己不

與異己不非。達而必以其道窮而必行其志。不以同己而與。不以異己而非。其特立獨行。有如此者。儒有

上不臣天子。下不事諸侯。慎靜尚寬。砥礪廉隅。強毅以與人。博學以知服。

服力也。近文章。雖近文。不勝質。雖以分國。視如錙銖。十黍為銖。八兩為錙。言輕也。弗肯臣仕。其規

為有如此者。儒有合志同方。營道同術。竝立。位相也。則樂相下。位相讓也。不厭。與齊

也。久別則聞流言不信。記有其行。本方立義。六字明其所以不信之義。義同而進。記將義字屬上。不同而

退。同謂與友也。其交。記有友字。有如此者。夫溫良者。仁之本也。慎敬者。仁之地也。寬

裕者。仁之作也。作為也。一子賀切。遜接者。仁之能也。禮節者。仁之貌也。言談者。仁

之文也。歌樂者。仁之和也。分散者。仁之施也。儒行之八者。既歷數以告哀。公而終之。以仁仁者百行之

也。原儒皆兼而有之。一兼下。有此事。猶且不敢言仁也。其尊讓有如此者。儒有不隕

獲於貧賤。隕獲墜割也。一說。不充詘於富貴。充詘驕吝也。一說。不溷君王。

不累長上。不閔有司。

言不受於君長有司也。潤辱也。累，罣碍也。閔，傷也。

故曰儒。

術者有道之名。

今人之

名儒也。妄。

句

常以儒相詬疾。

詬，疑作詬，毀也。疾，惡也。妄，竊儒名，故為人之所毀惡也。

○

哀公既得聞

此言也。言加信，行加敬。曰：終沒吾世，弗敢復以儒為戲矣。

問禮第六

哀公問於孔子曰：大禮何如？子之言禮，何其尊也。

尊猶重也。

孔子對曰：丘也

鄙人，不足以知大禮。公曰：吾子言焉。孔子曰：丘聞之，民之所以生者，禮為

大。非禮則無以節事天地之神。

祭以事天地之神，皆以禮為儀節。神兼百神，言

非禮則無以辯君

臣上下長幼之位焉。非禮則無以別男女父子兄弟婚姻親族疏數之交

焉。是故君子以此

此指禮也。

為之尊敬。

尊敬謂大也。

然後以其所能教順百姓。

易曰：禮非

強世所謂順也。不廢其會節。

此總前言會謂理之所聚而不可遺。謂分之所限而不可過處也。

既有成事。

成事謂諷

日筮吉而然後治其雕鏤。

祭器文章黼黻。

祭服以別尊卑上下之等。其順之也。

順謂人無而後言也。

猶明其喪祭之紀，宗廟之序，品其犧牲，設其豕腊。

乾肉曰腊。

修其歲時以敬祭祀別其親疏序其昭穆而後宗族會宴一作醮即安其居

以綴恩義卑其宮室節其服御車不雕璣器不彫一作刻鏤食不二味心不

淫志疑作慝以與萬民同利古之明王行禮也如此公曰今之君子胡莫之

行也孔子對曰今之君子好利無厭淫行不倦荒怠慢游固如固獲之民

是盡以遂其心以怨其政以忤其衆以伐有道求得當欲不以其所言苟

當其情欲而已虐殺刑誅不以其治也理夫昔之用民者由前用上今之用民者由

後用下是即今之君子莫能為禮也

言偃問曰夫子之極言禮也可得而聞乎孔子言我欲觀夏道是故之也適

杞夏後封也而不足徵也也徵證吾得夏時焉於十二月之正正夏數得天心

我欲觀殷道是故之宋殷後封宋而不足徵也吾得乾坤焉得天地陰

易也商易曰歸藏歸藏首坤次乾故也乾坤之義夏時之等也例吾以此觀之夫禮初也記作

初始於飲食太古之時燔黍擘豚古未有釜甑燔米擘肉加汙罇而抔飲

鑿池為樽掬手而飲。○杯蒲侯切。蕢，蕢草，推也。蕢，○具。而土鼓，猶可以致敬於鬼神。

享其德不及其死也。升屋而號曰高。高作臯，引聲之言。某，死者名。復然後，既不復，然後以下乃

行死。飯腥，始死，含以珠貝，將葬，以遺奠而送之。形體則降，魂氣則上。是為天望而地

藏也。氣上故望天而招體降故穴地而藏。故生者南嚮，死者北首，皆從其初也。昔之王者未

有宮室，冬則居營窟，夏則居橧巢。橧，掘地而居，謂之營窟。巢，有柴謂之橧，在樹曰巢。未有火化，食

草木之實，鳥獸之肉，飲其血，茹其毛。毛未盡而食曰茹。未有絲麻，衣其羽皮。後聖

有作，然後修火之利，範金合土。金用刑範治，金為器也。和合泥土為陶器也。以為臺榭宮室，戶牖

以炮以燔。毛爇曰炮，燔火曰燔。以烹以炙。沈而煮之，釜曰烹，貫而置之，火曰炙。○沈直禁切。以為醴酪。醴，酒醴。

酪，治其絲麻，以為布帛，以養生送死，以事鬼神。故玄酒在室，醴醖在戶，粢

醝在堂，澄酒在下。按禮辨酒之五齊：一曰泛齊，二曰醴齊，三曰盎齊，四曰

稍南堂在室外，下則堂下矣。去古漸遠，故五者各以等降設之。陳其犧牲

備其鼎俎，列其琴瑟管磬鐘鼓，以其祝嘏，以降其上神。上神，天神也。與其先祖

以正君臣。以篤父子。以睦兄弟。以齊上下。夫婦有所是謂承天之祜。言行禮如

此則神格而鬼享矣。作其祝號。按禮祝號有六神鬼祗牲齎幣也皆美其辭以告神也。玄酒以祭。薦其血毛。腥

其俎。此三者法也。雖有所熟猶有所腥。不忘古也。越越同翦蒲席也。○戶括切。席

以坐。疏布以罩。當作幕覆酒布也。質故用疏罩。衣其浣帛。陳染以祭服。醴醎以獻。薦其燔炙。君

與夫人交獻。以嘉魂魄。嘉善樂也。是謂合莫。契合於冥漠之中也。此以然後退

而合烹。合其烹熟之體無復腥也。體其犬豕牛羊。體謂解其牲而薦之也。實其簠簋。豆鉶羹。簠簋

詩傳作瓦器以盛黍稷。邊竹器。豆木器以盛果核。俎醢鉶銅器如鼎和羹之器也。祝以孝告。以通孝子語於先祖。嘏以慈告。

以傳先祖語於孝子。是為大祥。祥善也。合烹以下此當世之禮也。此禮之大成也。

五儀解第七

哀公問於孔子曰：寡人欲論魯國之士，與之為治，敢問如何取之？孔子對

曰：生今之世，志古之道，居今之俗，服古之服，舍此而為非者，不亦鮮乎？曰：

然則章甫、約、衢履、紳、帶、搢、笏者，賢人也。章甫冠名約履頭之飾也。紳大帶搢插也。笏所執以書思對命者。

孔子曰不必然也。丘之所言非此之謂也。夫端衣玄裳，冕而乘軒者，則志

不在於食。君端衣玄裳齊服也，斬衰管菲菲管喪草履名一作杖而歆粥軒軒車君卒菜也

者，則志不在酒肉。生今之世，志古之道，居今之俗，服古之服，謂此類也。言

其服則制公曰善哉。盡此而已乎。孔子曰：人有五儀，有庸人，有士人，有君

子，有賢人，有聖人。審此五者，則治道畢矣。公曰：敢問何如。斯謂之庸人。孔

子曰：所謂庸人者，心不存慎終之規，口不吐訓格格法也之言，不擇賢以託

其身，不力行以自定，見小闇大，而不知所務，從物如流，不知其所執。荀有五

為正心從而壞言五此則庸人也。公曰：何謂士人。孔子曰：所謂士人者，心

有所定，計有所守，雖不能盡道術之本，必有率也。率猶行也雖不能備百善之

美，必有處也。處猶守也是故知不務多，必審其所知；言不務多，必審其所謂；行

不務多，必審其所由。言所務者皆必得其要也智既知之，言既道之，行既由之，則若性

命之形骸之不可易也。言若性之所命形富貴不足以益，貧賤不足以損。

此則士人也。公曰：何謂君子？孔子曰：所謂君子者，言必忠信而心不怨。

也。荀作德言。不自以為德。仁義在身而色無伐。無伐善之色也。思慮通明而辭不專。不專尚言也。篤

行信道。自強不息。油然若將可越而終不可及者，君子也。油然不進之貌。一作猶舒遲也。

不及謂從也。公曰：何謂賢人？孔子曰：所謂賢人者，德不踰閑。閑闌也。行中規繩

言足以法於天下而不傷於身。言滿天下無口過也。道足以化於百姓而不傷於本

本亦身也。荀作行中規繩而不傷於本言足法於天下而不傷於身。富則天下無宛財。宛古作苑私積也。德惠而天下化之不獨

富也。施則天下不病貧。德普而天下賴之不獨貧也。此賢者也。公曰：何謂聖人？孔子曰：所

謂聖者，德合於天地，變通無方，窮萬事之終始，協庶品之自然，敷其大道

而遂成情性。謂萬物之情性。明竝日月，化行若神，下民不知其德，覩者不識其鄰

鄰以喻界畔也。此謂聖人也。公曰：善哉！非子之賢，則寡人不得聞此言也。雖然，寡

人生於深宮之內，長於婦人之手，未嘗知哀，未嘗知憂，未嘗知勞，未嘗知

懼，未嘗知危，恐不足以行五儀之教，若何？孔子對曰：如君之言，已知之矣。

則丘亦無所聞焉。

謂君如此言則為已知之矣故吾無復所言矣謙己以誘進乎哀公也。

公曰非吾子寡人

無以啟其心吾子言也。

也疑也作之孔子曰君入廟如

一作右登自阼階仰視榱

桷俯察機

機几同

筵其器皆存而不覩其人君以此思哀則哀可知矣昧爽

夙興正其衣冠。

昧爽始明也夙興早起也

平旦視朝慮其危難一物失理亂亡之端君

以此思憂則憂可知矣日出聽政至於中冥。

中中日中也冥暝中也日昃曰暝

諸侯子孫往

來為賓行禮揖讓慎其威儀君以此思勞則勞亦可知矣緬

綢繆反緬覆之貌

然長

思出於四門周章

征營之貌遠視一作望

覩亡國之墟必將有數焉。

言亡國故墟不止於一也

君以此思懼則懼可知矣夫君者舟也庶人者水也水所以載舟亦所以

覆舟君以此思危則危可知矣君既明此五者又少留意於五儀之事則

於政治何有失矣。

哀公問於孔子曰請問取人之法孔子對曰事任於官。

官所司也言各當以其所能之事任

之無取捷捷無取鉗鉗無取噶噶

捷敏疾也鉗妄對不誠也噶多言也

捷捷貪也。

捷捷而不已所以為

貪鉗鉗亂也。噶噶誕也。誕欺詐也。故弓調而後求勁焉。馬服而後求良焉。士必

慤而後求智能者焉。不慤而多能。譬之豺狼。不可邇。言人無智者。雖不慤。信不能為大惡。不慤。

信而有智能。然後乃可畏也。

哀公問於孔子曰：寡人欲吾國小而能守，大則攻。守自守也。攻攻人也。其道如何？孔子

對曰：使君朝廷有禮，上下和親，天下百姓皆君之民，將誰攻之？一說公意。小欲能守。

如大國則我攻何故？答云然。言各當以其所能之事任之也。苟違此道，民畔。畔與叛同。各有所歸。皆君之

讎也。將與誰其守？公曰：善哉！於是廢山澤之禁，弛關市之稅，以惠百姓。

哀公問於孔子曰：吾聞君子不博，有之乎？孔子曰：有之。公曰：何為？對曰：為

其有二乘。一曰物。雙曰乘。公曰：有二乘則何為不博？子曰：為其兼行惡道也。此其博三

十六道也。哀公懼焉。有間，復問曰：若是乎？君子之惡惡道至甚也。孔子曰：君子

之惡惡道不甚，則好善道亦不甚；好善道不甚，則百姓之親上亦不甚。詩

云：未見君子，憂心惓惓。惓憂也。朱劣切。亦既見止，亦既覯止。我心則說。詩之好善

道甚也如此。公曰：美哉！夫君子成人之善，不成人之惡，微吾子言焉。吾弗之聞也。

哀公問於孔子曰：夫國家之存亡禍福，信有天命，非唯人也。孔子對曰：存

亡禍福皆已而已。天災地妖不能加也。公曰：善。吾子之言，豈有其事乎？孔

子曰：昔者殷王帝辛之世，紂帝有雀生大鳥於城隅焉。占之曰：凡以小生大

則國家必王而名益昌。於是帝辛介雀之德，介助也。以雀之德為助也。不脩國政，亢暴

無極。朝臣莫救，外寇乃至。殷國以亡。此即以已逆天時，詭福反為禍者也。

此逆天祥而暴致之也。又其先世殷王太戊之時，道缺法弛，以致妖孽。桑穀並生于

朝，七日大拱。占之者曰：桑穀野木而不合生，朝意者國亡乎。太戊恐駭，側

身脩行，思先王之政，明養民之道。三年之後，遠方慕義，重譯至者十有六

國。此即以已逆天時，得禍為福者也。此逆天災而德致之也。故天災地妖，所以做人

主者也。寤夢徵怪，所以做人臣者也。戒災妖不勝善政，寤夢不勝善行。能

知此者。至治之極也。唯明王達此。公曰寡人不鄙固。此亦不得聞君子之

教也。鄙固即前篇實固之意

哀公問於孔子曰。智者壽乎。仁者壽乎。孔子對曰。然。人有三死而非其命

也。已自取也。夫寢處不時。飲食不節。逸勞過度者。疾共殺之。居下位而上

干其君。外傳作好干上嗜慾無厭而求不止者。刑共殺之。以少犯衆。以弱侮強。忿

怒不類。動不量力。兵共殺之。此三者死非命也。人自取之。若夫智士仁人

將也。將行身有節。動靜以義。喜怒以時。無害其性。雖得壽焉。不亦宜乎。

孔子家語卷第一終

孔子家語卷第二

致思第八

王 肅注

孔子北遊於農山。山在魯地一作景戌子路子貢顏淵侍側孔子四望喟然而歎曰

於斯致思無所不至矣。言思無所不至二三子各言爾志吾將擇焉子路進曰由

願得白羽若月赤羽若日鐘鼓之音上震於天旂旗繽紛下蟠於地。蟠委也

由當一隊而敵之必也攘地千里。攘却也擐旗執馘。擐取也取敵之旂馘也

唯由能之使二子者從我焉夫子曰勇哉子貢復進曰賜願使齊楚合戰

於漭瀆之野。漭瀆廣大之貌兩壘相望塵埃相接挺刃交兵賜著縞衣白冠。兵凶事

白冠服也陳說其間推論利害釋國之患唯賜能之使二子者從我焉夫子曰

辯哉顏回退而不對孔子曰回來汝奚獨無願乎顏回對曰文武之事則

二子者既言之矣回何云焉孔子曰雖然各言爾志也小子言之對曰回

子家語卷第二 歸葉山房石印

聞薰蕕不同器而藏堯桀不共國而治以其類異也。回願明王聖主輔相

之敷其五教。敷布也。五教，父義、母慈、兄友、弟恭、子孝也。導之以禮樂，使民城郭不修，溝池不越。

言無踰越溝池。鑄劍戟以為農器，放牛馬於原藪。地廣平曰原，澤無水曰藪。室家無離曠之思。

千歲無戰鬥之患，則由無所施其勇而賜無所用其辯矣。夫子凜然而對

曰：美哉德也。

子路抗抗舉手也手而問曰：夫子何選焉？孔子曰：不傷財，不害民，不繁詞，則顏

氏之子有矣。

魯有儉嗇者，瓦鬲。鬲，卽狄切。曲脚鼎也。煮食，食之自謂其美。盛之土型之器。型，奚輕切。

○瓦甌，小盆也。以進孔子，孔子受之而說。如受大牢之饋。饋，牛羊豕饋，饋，饋也。子路曰：瓦甌陋

器也。煮食，薄膳也。夫子何喜之如此乎？夫子曰：夫好諫者，思其君，食美者

思一作念其親，吾非以饌具之為厚，以其食厚而我思焉。

孔子之楚，而有漁者獻魚焉。孔子不受。漁者曰：天暑市遠，無所鬻也。思慮

棄之糞壤不如獻之君子。故敢以進焉。於是夫子再拜受之。使弟子掃地。

將以享祭。門人曰：彼將棄之，而夫子以祭之，何也？孔子曰：吾聞諸惜其腐

餼。餼，飪同。忍甚切。而欲以務施者，仁人之偶也。匹也。惡有仁人之饋而無祭者乎？

季羔為衛之士師。獄官。則人之足。俄而衛有蒯瞶之亂。初，衛靈公太子蒯瞶

立其子，子輒蒯瞶自晉襲衛。時子羔子路竝仕於衛也。季羔逃之，走郭門。則者守門焉。謂季羔曰：彼有

缺。季羔曰：君子不踰。又曰：彼有竇。季羔曰：君子不隧。隧，從竇出。又曰：於此有室。

季羔乃入焉。既而追者罷。羔將去，謂則者曰：吾不能虧主之法，而親則子

之足。今吾在難，此正子之報怨之時。而逃我者三，何故哉？則者曰：斷足固

我之罪，無可奈何。曩者君治臣以法令，先人後臣，欲臣之免也。臣知之。獄

決罪定，臨當論刑，君愀。愀，變色貌。○七小切。然不樂。見君顏色，臣又知之。君豈私臣

哉？天生君子，其道固然。此臣之所以說。一作脫。君也。孔子聞之，曰：善哉！為吏

其用法一也。思仁恕則樹德，加嚴暴則樹怨。公以行之，其子羔乎？

孔子曰季孫之賜我粟千鍾而交益親。季平子用孔子由委吏至司空千鍾祿也自南宮敬叔

之乘我車也而道加行。孔子欲見老聃而西觀周敬叔言於魯君給孔子車馬問禮於老子孔子歷觀郊廟自周而還弟子

四方來學也故道雖貴必有時而後重有勢而後行微夫二子之貺財則丘之

道殆將廢矣。

孔子曰王者有似乎春秋。正其本而萬物皆正文王以王季為父以太任為母以太

姒為妃以武王周公為子以太顛閎夭為臣其本美矣武王正其身以正

其國正其國以正天下伐無道刑有罪一動而天下正其事成矣春秋致

其時。致推極也春秋以二始舉四時也而萬物皆及王者致其道而萬民皆治周公載已

行化。載亦行也言行己以行化其身正不令而行也而天下順之其誠至矣

曾子曰入其一作是國也言信於羣臣而留可也行忠於卿大夫則仕可也

澤施於百姓則富可也孔子曰參之言此可謂善安身矣

子路為蒲宰為水備與民脩溝洫以民之勞煩苦也人與之一簞食簞一筭

壺漿。孔子聞之。使子貢止之。子路忿然不悅。往見孔子曰。由也。以暴雨將

至。恐有水災。故與民脩溝洫以備之。而民多匱也。餓者。是以簞食壺漿而

與之。夫子使賜止之。是夫子止由之行仁也。夫子以仁教而禁其行。由不

受也。孔子曰。汝以民為餓也。何不白於君。發倉廩以賑之。而私以爾食餽

之。是汝明君之無惠。而見己之德美矣。汝速已。則可。不俯太府作簡則汝

之見一作受罪必矣。

子路問於孔子曰。管仲之為人如何。子曰。仁也。得仁也子路曰。昔管仲說襄

公。公不受。是不辨也。欲立公子糾而不能。是不智也。按齊襄公立無常。○

君使民萬亂將作矣。奉公子小白出奔莒。公孫無知殺襄公。管夷吾召忽

殺子糾。召忽死之。家殘於齊而無憂色。是不慈也。桎梏而居檻車無慙心。是無醜也。

言無恥。惡之心。事所射之君。初魯聞無知死。發兵送公子糾入齊。而使管仲別是

不貞也。召忽死之。管仲不死。是不忠也。孔子曰。管仲說襄公。襄公不受。公

之閻也。欲立子糾而不能。不遇時也。家殘於齊而無憂色。是知權命也。桎梏而無慙心。自裁審也。事所射之君。通於變也。不死子糾。量輕重也。夫子糾未成君。而管仲未成臣。管仲才度義。管仲不死。束縛而立功名。未可非也。召忽雖死。過於取仁。未足多也。

孔子適齊。中路聞哭者之聲。其音甚哀。孔子謂其僕曰。此哭哀則哀矣。然

非喪者之哀也。

也一作矣

驅而前。少進。見有異人焉。擁鎌

鎌鏃也。刈鉤也。

帶索。哭音不

哀。孔子下車。追而問曰。子何人也。對曰。吾丘吾子也。曰。子今非喪之所。奚

哭之悲也。丘吾子曰。吾有三失。晚而自覺。悔之何及。曰。三失可得聞乎。願

子告吾無隱也。丘吾子曰。吾少時好學。周徧天下。後還喪吾親。是一失也。

長事齊君。君驕奢失士。臣節不遂。是二失也。吾平生厚交。而今皆離絕。是

三失也。夫樹欲靜而風不停。子欲養而親不待。往而不來者。年也。不可再

見者親也。請從此辭。遂投水而死。孔子曰。小子識之。斯足為戒矣。自是弟

子辭歸養親者十有三

孔子謂伯魚曰鯉乎吾聞可以與人終日不倦者其惟學焉其容體不足

觀也其勇力不足憚也其先祖不足稱也其族姓不足道也終而有大名

以顯聞四方流聲後裔者豈非學者之效也故君子不可以不學其容不

可以不飭不飭無類無類失親類宜為貌不在飭故無貌不得言不飭無類也禮貌矜莊然後親愛可久故曰無類

失親失親情不相親則也失親不忠心無忠誠也不忠失禮禮以忠信為本失禮不立不學禮則無以立也夫遠

而有光者飭也近而愈明者學也譬之汚池水潦注焉○胡官切音桓一朱推切音追

葦二音同義細葦也亂也葦生焉雖或以觀之孰知其源乎源泉源也水潦注於地而

泉乎以言學者雖從外入及其用之人誰知其非從此出者乎

子路見於孔子曰負重涉遠不擇地而休家貧親老不擇祿而仕昔者由

也事二親之時常食藜藿之實為親負米百里之外親歿之後南遊於楚

從車百乘積粟萬鍾累茵而坐列鼎而食願欲食藜藿為親負米不可復

得也。枯魚銜索。幾何不蠹。言不可復生也。二親之壽。忽若過隙。孔子曰：由也事親

可謂生事盡力，死事盡思者也。

孔子之郊。郊國名。少昊之後魯之郊縣也。郊子達禮孔子故往諮問焉。○郊徒監切。遭程子於塗，傾蓋傾蓋，駐車而

語。終日甚相親。顧謂子路曰：取束帛五匹曰束。以贈先生。贈，送也。子路屑然恭貌

對曰：由聞之士不中閒見。中閒，謂介紹也。女嫁無媒，君子不以交。禮也。有閒，又顧

謂子路。子路又對如初。孔子曰：由，詩不云乎？有美一人，清揚宛兮。邂逅相

遇。清視清明，揚眉上，廣宛美也。不期而會曰邂逅也。適我願兮。今程子天下賢士也。於斯不贈，則

終身弗能見也。小子行之。

孔子自衛反魯，息駕於河梁而觀焉。河水無梁，莊周書說孔子於有懸水

三十仞。八尺曰仞。水圍流九十里。圍流，同水也。水深急則然。魚鼈鼃不能居。有一

丈夫方將厲之。厲，以衣涉水也。孔子使人竝蒲浪切涯止之，曰：此懸水三十

仞，圍流九十里。魚鼈鼃不能居也。意者難可濟也。丈夫不以措意。措，一

義此著也後置也

遂度而出。孔子問之曰：子巧乎？有道術乎？所以能入而出者，何

也？丈夫對曰：始吾之入也，先以忠信；及吾之出也，又從以忠信。忠信措吾

軀於波流，而吾不敢以用私，所以能入而復出也。孔子謂弟子曰：二三子

識之，水且猶可以忠信成身。

其身也

親之，而况於人乎？

孔子將行，雨而無蓋，門人曰：商也有之。

子夏名商

孔子曰：商之為人，也甚恇。

吝

也

於財，吾聞與人交，推其長者，違其短者，故能久也。

楚昭王渡江，江中有物大如斗，圓而赤，直觸王舟。舟人取之，王大怪之，遍

問羣臣，莫之能識。王使使聘於魯，問於孔子。子曰：此所謂萍實者也。

萍水草也

可剖而食之，吉祥也。唯霸者為能獲焉。使者返，王遂食之，大美。久之，使來

以告魯大夫。大夫因子游問曰：夫子何以知其然？曰：吾昔之鄭，過乎陳之

野，聞童謠曰：楚王渡江得萍實，大如斗，赤如日，剖而食之，甜如蜜。此是楚

王之應也。吾是以知之。

子貢問於孔子曰。死者有知乎。將無知乎。子曰。吾欲言死之有知。將恐孝子順孫妨生以送死。吾欲言死之無知。將恐不孝之子棄其親而不葬。賜不欲知死者。有知與無知。非今之急。後自知之。

子貢問治民於孔子。子曰。懍懍焉。若持腐索之扞馬。懍懍。戒懼貌。扞馬。突馬也。子貢曰。

何其畏也。孔子曰。夫通達御之一作屬皆人也。以道導之。則吾畜許六切也不

以道導之。則吾讎也。如之何其無畏也。

魯國之法。魯人有贖。臣妾於諸侯者。皆取金於府。子貢贖人於諸侯而還其金。孔子聞之曰。賜失之矣。夫聖人之舉事也。可以移風易俗。而教導可以施之於百姓。非獨適身之行也。今魯國富者寡而貧者衆。贖人受金。則為不廉。則何以相贖乎。自今以後。魯人不復贖人於諸侯。贖。質。貸也。

子路治蒲。請見於孔子。子曰。由願受教於夫子。子曰。蒲其何如。對曰。邑多壯士。又難治也。子曰。然。吾語爾。恭而敬。可以攝勇。寬而正。可以懷強。愛而

恕可以容困。言愛恕者能容困窮温而斷可以抑姦。如此而加之則正。正治也不難矣。

三恕第九

孔子曰：君子有三恕。有君不能事，有臣不能使，非恕也。有親不能孝，有子而求其報，非恕也。有兄不能敬，有弟而求其順，非恕也。孔子曰：君子有三思，不可不察也。少而不學，長無能也；老而不教，死莫之思也；有而不施，窮莫之救也。故君子少思其長，則務學；老思其死，則務教；有思其窮，則務施。

伯常騫問於孔子曰：騫固周國之賤吏也，不自以不肖，將北面以事君子。

敢問正道宜行，不容於世。正道宜行而世莫之能貴，故行之則有所不容。隱道宜行，然亦不忍。世亂

則隱然以道為行者亦不忍為隱事今欲身亦不窮。謂能容也道亦不隱，為之有道乎？孔子曰：善哉！

子之問也。自丘之聞，未有若吾子所問辯且說也。辯當其理得其說矣丘嘗聞君

子之言道矣。聽者無察，則道不入。

言聽者不明察，道則不能入也。

奇偉不稽，則道不信。

也。聽道者不能考校奇偉，則道不見信。此言苟非其人，道不虛行。

又嘗聞君子之言事矣。制無度量，則事

不成。其政曉察，則民不保。

保安也。政大曉了，民不安也。

又嘗聞君子之言志矣。剛折

者不終，剛則折矣。不終，其性命矣。徑易者則數傷。

徑，輕也。志輕則數傷於義。

浩倨者則不親。

浩倨，簡略不恭之貌。

如是則人不親矣。

就利者則無不弊。

言好利者不可久也。

又嘗聞養世之君子矣。從輕勿為

先，從重勿為後。

赴憂患從勞苦輕者宜為後，重者宜為先，不適己自便也。

見像而勿強。

像，法也。見法而己，不以強世也。

陳道而勿怫。

怫，詭也。陳道而已，不與世相詭違也。

此四者丘之所聞也。

孔子觀於魯桓公之廟，有欹器焉。

欹，傾也。

孔子問於守廟者曰：此謂何器？對

曰：此蓋為宥。

宥，一作右，與宥同。勸也。皇帝有勸戒之器。

坐之器。孔子曰：吾聞宥坐之器，虛則欹，

中則正，滿則覆。明君以為至誠，故常置之於坐側。顧謂弟子曰：試注水焉。

乃注之水中，則正。滿則覆。夫子喟然歎曰：嗚呼！夫物惡有滿而不覆哉？子

路進曰：敢問持滿有道乎？子曰：聰明睿智，守之以愚；功被天下，守之以讓。

勇力振世。守之以怯。富有四海。守之以謙。此所謂損之又損之之道也。

孔子觀於東流之水。子貢問曰：君子所見大水必觀焉，何也？孔子對曰：以

其不息且遍與諸生諸生謂萬物也而不為也。物得水而後生，水不與生而又不德。夫水有似乎德

其流也，則卑下倨拘，必循其理。卑一作埤，增也。倨一作裾，方也。拘，鉤同。曲也。言水益卑而或方曲，必循其理也。○裾

居御切，拘居侯切，亦甚。此似義。浩浩乎無屈盡之期，此似道。流行赴百仞之溪而不

懼，此似勇。至量必平之，此似法。盛而不求概，概，平斛木也。言水盈而不概，自平也。此似正。綽

約綽，作掉，綽柔弱也。微達，此似察。發源必東，此似志。以出以入，萬物就以化絜。絜，與潔同。

易曰：言萬物之潔齊也。潔齊謂物之洗潔而盡出也。此似善化也。水之德有若此，是故君子見必觀

焉。

子貢觀於魯廟之北堂，出而問於孔子曰：向也賜觀於太廟之堂，未既輟

還，瞻北蓋皆斷焉。既，盡也。輟，止也。○蓋，胡閤切。北，面之蓋皆斷也。彼將有說邪？匠之過也。孔

子曰：太廟之堂，官致良工之匠，匠致良材，盡其工巧，蓋貴久矣。貴，文也。荀子曰：因鄭

節文 尚有說也。尚猶必也。言必有說也。

孔子曰。吾有所恥。有所鄙。有所殆。殆危也。夫幼而不能強學。老而無以教。吾

恥之。去其鄉。事君而達。卒遇故人。曾無舊言。吾鄙之。事君而達。得志於君。而見故人。曾無舊言。

是棄其平生之舊交。而無進之之心者乎。與小人處。而不能親賢。吾殆之。疏賢而近小人。危亡之道也。

子路見於孔子。孔子曰。智者若何。仁者若何。子路對曰。智者使人知己。仁

者使人愛己。子曰。可謂士矣。子路出。子貢入。問亦如之。子貢對曰。智者知

人。仁者愛人。子曰。可謂士矣。子貢出。顏回入。問亦如之。對曰。智者自知。仁

者自愛。子曰。可謂士君子矣。

子貢問於孔子曰。子從父命。孝乎。臣從君命。貞乎。奚疑焉。孔子曰。鄙哉。賜。

汝不識也。昔者明王萬乘之國。有爭臣七人。則主無過舉。天子有三公四輔。主諫爭以救

其過失也。四輔前曰疑。後曰丞。左曰輔。右曰弼也。千乘之國。有爭臣五人。則社稷不危也。諸侯有三卿。股

肱之臣。有內外者。百乘之家。有爭臣三人。大夫有臣。室老家相。邑宰。凡三人能以義諫諍。則祿位

不替。父有爭子。不陷無禮。士有爭友。不行不義。

士雖有臣既微且陋不能以義匡其君故須朋友之

諫諍於己然後不義之事不得行之者也故子從父命。奚詎為孝。

詎猶豈也

臣從君命。奚詎為貞。夫

能審其所從。

詳審其所從之宜與不宜

之謂孝之謂貞矣。

子路盛服見於孔子。子曰。由是倨倨。

倨與倨同言其服盛而氣傲也

者何也。夫江始出於

岷山。其源可以濫觴。

按韓詩外傳為不足濫觴言其微也

及其至於江津。不舫舟。不避風。則

不可以涉。非惟下流水多邪。

下流水多故使人畏服盛氣盈則眾畏之

今爾衣服既盛。顏色充

盈。天下且孰肯以非告汝乎。子路趨而出。改服而入。蓋自若也。子曰。由志

之。吾告汝。奮於言者華。

自矜奮於言者華而無實

奮於行者伐。

自矜奮行者是自伐

夫色智而有

能者。

知見於色自有其能

小人也。故君子知之曰知。言之要也。不能曰不能。行之至

也。言要則智。行至則仁。既仁且智。惡不足哉。

子路問於孔子曰。有人於此。被褐而懷玉。何如。

褐賤者服

子曰。國無道。隱之可

也。國有道。則袞冕而執玉。

袞冕文衣盛飾也

好生第十

魯哀公問於孔子曰昔者舜冠何冠乎孔子不對公曰寡人有問於子而子無言何也對曰以君之問不先其大者故方思所以為對公曰其大何乎孔子曰舜之為君也其政好生而惡殺其任授賢而替不肖德若天地而靜虛化若四時而變物是以四海承風暢於異類異類四方之夷狄也鳳翔麟至鳥獸馴德馴順習也無他好生故也知人無害之心也君舍此道而冠冕是問是以緩對孔子讀史至楚復陳陳夏徵舒弑其君楚莊王討之因縣陳而取之申叔時諫莊王從之還復陳喟然歎曰賢哉楚王輕千乘之國而重一言之信匪申叔之信不能達其義匪莊王之賢不能受其訓

孔子嘗自筮其卦得賁焉愀然有不平之狀子張進曰師聞卜者得賁卦吉也而夫子之色有不平何也孔子對曰以其離邪在周易山下有火謂之賁離下艮上離為火艮為山非正色之卦也夫質也黑白宜正焉今得賁非吾兆也

飾也其吾聞丹漆不文。白玉不雕。何也。質有餘不受飾。故也。

孔子曰。吾於甘棠。見宗廟之敬也。甚矣。邵伯聽訟於甘棠。其樹作甘棠之詩也。思其人。必愛

其樹。尊其人。必敬其位。道也。

子路戎服見於孔子。拔劍而舞之。曰。古之君子。固以劍而自衛乎。孔子曰。

古之君子。忠以為質。仁以為衛。不出環堵之室。而知千里之外。有不善則

以忠化之。侵暴則以仁固之。何持劍乎。子路曰。由乃今聞此言。請攝齊以

受教。齊裳不緝也。受教者攝齊升堂。

楚恭王出遊。亡烏嗥之弓。良工之名。左右請求之。王曰。止。楚王失弓。楚人得之。

又何求之。孔子聞之。惜乎其不大也。不曰。人遺弓。人得之而已。何必楚也。

孔子謂魯司寇斷獄訟。皆進眾議者而問之。曰。子以為奚若。某以為何若。

皆曰云云。如是。然後夫子曰。當從某子。幾是。近也。重獄事。故與眾議之。

孔子問漆雕憑曰。子事臧文仲。武仲及孺子容。此三大夫孰賢。對曰。臧氏

家有守龜焉。名曰蔡。文仲三年而為一兆。武仲三年而為二兆。孺子容三年而為三兆。憑從此之見。若問三人之賢與不賢。所未敢識也。孔子曰。君子哉。漆雕氏之子。其言人之美也。隱而顯。言人之過也。微而著。智而不能及。明而不能見。孰克如此。克能也。而宜為如也。

魯公索氏

先落反

將祭而亡其牲。孔子聞之曰。公索氏不及二年將亡。後一

年而亡。門人問曰。昔公索氏亡其祭牲。而夫子知其將亡。何也。曰。夫祭者。孝子所以自盡於其親。將祭而亡其牲。則其餘所亡者多矣。若此而不亡者。未之有也。

虞芮二國爭田而訟。連年不決。乃相謂曰。西伯仁人也。

西伯文王

盍往質之。盍何

不質正也

入其境。則耕者讓畔。行者讓路。入其邑。男女異路。斑白不提挈。入其

朝。士讓為大夫。大夫讓為卿。虞芮之君曰。嘻。吾儕小人也。

儕等

不可以履君

子之庭。遂自相與而退。咸以所爭之田為閑田矣。孔子曰。以此觀之。文王

之道其不可加焉。不令而從，不教而聽，至矣哉。

曾子曰：狎甚則相簡，莊甚則不親。是故君子之狎足以交歡，其莊足以成禮。孔子聞斯言也，曰：「二三子志之，孰為參也，不知禮也。」

哀公問曰：「紳委章甫，委委貌，章甫冠名也。有益於仁乎？」孔子作色而對曰：「君胡然焉？」

衰麻苴杖者，志不存乎樂，非耳。弗聞服使然也。黼紱袞冕者，容不褻慢，非

性矜莊，服使然也。介冑執戈者，無退懦之氣，非體純猛，服使然也。且臣聞

之好肆不守折，言市弗能為廉，好肆不守折也。而長者不為市，言長者之行則不為市買之事。竊夫其有

益與無益，君子所以知竊宜為察

孔子謂子路曰：「見長者而不盡其辭，雖有風雨，吾不能入其門矣。故君子

以其所能敬人，小人反是。」

孔子謂子路曰：「君子以心導耳目，立義以為勇。小人以耳目導心，不慙以

為勇。故曰：退之而不怨，先之斯可從已。言人退之不怨先之則可從，足以為師也。

孔子曰。君子有三患。未之聞。患不得聞。既得聞之。患弗得學。既得學之。患弗能行。有其德而無其言。君子恥之。有其言而以無其行。君子恥之。既得之而又失之。君子恥之。地有而民不足。君子恥之。衆寡均而人功倍已焉。君子恥之。凡興功業多少與人同而功殊倍已故恥之

魯人有獨處室者。鄰之釐婦

釐寡婦也

亦獨處一室。夜暴風雨至。釐婦室壞趨

而託焉。魯人閉戶而不納。釐婦自牖與之言。子何不仁而不納我乎。魯人曰。吾聞男子不六十不閒居。今子幼。吾亦幼。是以不敢納爾也。婦人曰。子何不如柳下惠然。嫗不逮門之女。國人不稱其亂。魯人曰。柳下惠則可。吾固不可。吾將以吾之不可。學柳下惠之可。孔子聞之曰。善哉。欲學柳下惠者。未有似於此者。期於至善而不襲其為。可謂智乎。

孔子曰。小辯害義。小言破道。關雎興于鳥。而君子美之。取其雄雌之有別。鹿鳴興於獸。而君子大之。取其得食而相呼。若以爲獸之名。嫌之。固不可。

行也。

孔子謂子路曰。君子而強氣。則不得其死。小人而強氣。則刑戮薦臻。豳詩

曰。殆天之未陰雨。徹彼桑土。綢繆牖戶。殆及也。徹剝也。桑土。桑根也。鷓鴣

喻我國家積累之功。乃難成之若此也。今汝下民。或敢侮余。今者周公時言我先祖致此大

謂管蔡之亂不可不遏。絕之以存周室者也。孔子曰。能治國家之如此。雖欲侮之。豈可得乎。周

自后稷積行累功。以有爵土。公劉重之以仁。及至大王亶父。敦以德讓。其

樹根置本。備豫遠矣。初大王都豳。狄人侵之。事之以皮幣。不得免焉。事之

以珠玉。不得免焉。於是屬耆老而告之。所欲吾土地。吾聞之。君子不以所

養而害人。二三子何患乎無君。遂獨與大姜去之。踰梁山。邑於岐山之下。

豳人曰。仁人之君。不可失也。從之如歸市焉。天之與周。民之去殷。久矣。若

此而不能天下。未之有也。武庚惡能侮。武庚紂子名祿父。與管蔡共為亂也。邶詩曰。執轡如

組。兩驂如舞。驂之以服。和諧中節。孔子曰。為此詩者。其知政乎。夫為組者。惣紕於此。

成文於彼。言其動於近。行於遠也。執此法以御民。豈不化乎。竿旄之忠告。

至矣哉。竿旄之詩者樂乎善道告人取
喻於素絲良馬如組紕之義

孔子家語卷第三

觀周第十一

王 肅注

孔子謂南宮敬叔曰吾聞老聃博古知今敬叔孟僖子子也老聃通禮樂

之原明道德之歸則吾師也今將往矣對曰謹受命遂言於魯君曰臣受

先臣之命先臣僖子云孔子聖人之後也聖人殷湯滅於宋孔子之先去宋奔魯故曰滅於宋也其祖

弗父何始有國而授厲公弗父何緡公世子厲公兄也讓國以授厲公春秋傳曰以有宋而授厲公宜始有國謂始有宋也

也及正考父佐戴武宣正考父何之曾孫三命茲益恭命為士一命為大夫再命卿三命是

也故其鼎銘曰臣有功德君命銘之一命而僂再命而偃三命而俯俯恭於僂

僂恭於偃循牆而走言恭之甚亦莫余敢侮余我也我考父也以其饋於是粥於是

以飶其口饋糜也為糜粥於此鼎言至儉也其恭儉也若此臧孫紇有言聖人之後若不

當世紇臧武仲弗父何殷湯則必有明德而達者焉孔子少而好禮其將

在矣。將在屬臣汝必師之。今孔子將適周。觀先王之遺制。考禮樂之所極。

斯大業也。君盍以乘資之。臣請與往。公曰諾。與孔子車一乘。馬二匹。豎子

待御。敬叔與俱。至周。問禮於老聃。訪樂於長宏。宏周大夫歷郊社之所。考明堂

之則。則法察廟朝之度。宗廟朝廷之法度也於是喟然曰。吾乃今知周公之聖。與周之

所以王也。及去周。老子送之。曰。吾聞富貴者送人以財。仁者送人以言。吾

雖不能富貴。而竊仁者之號。請送子以言乎。凡當今之士。聰明深察。而近

於死者。好譏議人者也。博辯閎達。而危其身。好發人之惡者也。無以有己。

為人子者。身父母之有也無以惡己。為人臣者。言聽則仕。不用則退。保身全行。臣之節也孔子曰。敬奉

教。自周反魯。道彌尊矣。遠方弟子之進。蓋三千焉。

孔子觀乎明堂。覩四門墉。有堯舜與桀紂之象。而各有善惡之狀。與廢之

誠焉。又有周公相成王。抱之負斧扆。南面以朝。諸侯之圖焉。世之博學者。謂周公便履

天子之位。失之遠矣孔子徘徊而望之。謂從者曰。此周公所以盛也。夫明鏡所以察

形。往古者所以知今。人主不務襲迹於其所以安存。而急急所以危亡。是猶未有以異於却走而欲求及前人也。豈不惑哉。

孔子觀周。遂入太祖后稷之廟。廟堂右階之前。有金人焉。叁緘其口。而銘

其背曰。古之慎言人也。戒之哉。無多言。多言多敗。無多事。多事多患。安樂

必戒。雖處安樂必警戒也無所行悔。言當詳而後行所悔之事不可復行勿謂何傷。其禍將長。勿謂何

害。其禍將大。勿謂不聞。神將伺人。焜焜不滅。炎炎若何。涓涓不壅。終為江河。

綿綿不絕。或成網羅。綿綿微細若不絕則有成羅網者也毫末不札。將尋斧柯。如毫之末言至微也。札拔

也尋用也誠能慎之。福之根也。口是何傷。禍之門也。強梁者不得其死。好勝者

必遇其敵。盜憎主人。民怨其上。君子知天下之不可上也。故下之。知衆人

之不可先也。故後之。溫恭慎德。使人慕之。執雌持下。人莫踰之。人皆趨彼。

我獨守此。人皆或之。我獨不從。或之東西轉移之貌內藏我智。不示人技。我雖尊高。

人弗我害。誰能於此。江海雖左。長於百川。以其卑也。水陰長右海江雖在於其左而能為百川

長以其能下。天。道。無。親。而。能。下。人。戒。之。哉。孔。子。既。讀。斯。文。也。顧。謂。弟。子。曰。小。子。

識之。音志此言實而中情而信。詩云。戰戰兢兢。如臨深淵。如履薄冰。戰戰恐也。兢兢

戒也。恐墜也。恐陷也。行身如此。豈以口過患哉。

孔子見老聃而問焉。曰。甚矣道之於今難行也。吾比執道而令委質以求。

當世之君而弗受也。道於今難行也。老子曰。夫說者流於辯。流猶過也。失也。聽者。

亂於辭。知此二者。則道不可以忘也。

弟子行第十二

衛將軍文子衛卿名彌牟也問於子貢曰。吾聞孔子之施教也。先之以詩書。導之。

以孝悌。說之以仁義。觀之以禮樂。然後成之以文德。蓋入室升堂者。七十。

有餘人。其孰為賢。子貢對以不知。文子曰。以吾子常與學賢者也。何為不。

知。子貢對曰。賢人無妄。賢人無妄言。舉動不妄。知賢即難。故君子之言曰。智莫難於。

知人。是以難對也。文子曰。若夫知賢莫不難。今吾子親遊焉。是以敢問。子。

貢曰。夫子之門人。蓋有三千就焉。賜有逮及焉。未逮及焉。故不得徧知以

告也。文子曰。吾子所及者。請聞其行。子貢對曰。夫能夙興夜寐。諷誦崇禮。

行不貳過。貳再也有不善未嘗不稱言不苟。舉言典法是顏回之行也。孔

子說之以詩曰。媚茲一人。應侯慎德。一人天子也。應當也。侯惟也。言顏淵

德永言孝思。孝思惟則。言能長是孝道若逢有德之君。世受顯命。不失厥

名。以御于天子。則王者之相也。在貧如客。言不以貧累志使其臣如借。言

有其臣如也不遷怒。不深怨。不錄舊罪。是冉雍之行也。孔子論其材曰。有土

之君子也。有眾使也。有刑用也。然後稱怒焉。言有土地之君有眾足使有

非有土之君故使其孔子告之以詩曰。靡不有初。鮮克有終。冉雍能匹夫

不怒。唯以亡其身。因說不怒之義遂不畏強禦。不侮矜寡。其言循性。循其

而言不其都以富。仲由長材任治戎。戎軍是仲由之行也。孔子和之以文。

說之以詩曰。受小共大共。而為下國駿厖。荷天子之寵。孔子和仲由以文

也共法也駁大也厖厚也龍和也言受大小法為下國大厚乃可任天下道也不難不悚敷奏其勇難恐悚懼強

乎武哉文不勝其質言子路強勇恭老卹幼不忘賓旅賓旅謂寄客也好學博藝

省物而勤也省錄諸事而能勤也是冉求之行也孔子因而語之曰好學則智卹孤

則惠恭則近禮勤則有繼堯舜篤恭以王天下其稱之也曰宜為國老國

助宣德教齊莊而能肅志通而好禮儼相兩君之事篤雅有節是公西赤之行

也子曰禮經三百可勉能也禮經三百可勉學而能知威儀三千則難也能躬行三千

可為而公西公西赤問曰何謂也子曰貌以儼禮禮以儼辭是謂難焉所言

以為者當觀容貌而儼相其禮度其眾人聞之以為成也孔子語人曰當

賓客之事則達矣眾人聞公西赤能行三千之威儀故以為成也謂門

人曰二三子之欲學賓客之禮者其於赤也滿而不盈實而如虛過之如

不及先王難之盈而如虛過而不及是先博無不學其貌恭其德敦其言

於人也無所不信其驕大人也常以浩浩浩然志大驕大貌是以眉壽慕

富貴安靜虛無所以為之富貴是曾參之行也孔子曰孝德之始也悌德之序也悌以敬

之次信德之厚也忠德之正也參中夫四德者也以此稱之美功不伐貴

位不善不侮不佚侮佚貪功不傲無告告者孤獨此四者天民之窮而無

是顓孫師之行也孔子言之曰其不伐則猶可能也其不弊百姓則仁也

不弊愚百姓即所謂不傲之也詩云愷悌君子民之父母愷樂也悌易也樂以強教之易

親也夫子以其仁為大學之深學而能入其深義也送迎必敬送迎賓客上交下接若

截焉是卜商之行也孔子說之以詩曰式夷式已無小人殆式用夷平也

也殆危者無以至於危也若商也其可謂不險矣險危也言子夏常厲以貴之不喜

賤之不怒苟利於民矣廉於行已其事上也以佑其下言所以事上乃是

澹臺滅明之行也孔子曰獨貴獨富君子恥之夫也中之矣夫謂滅明中猶當也先

成其慮及事而用之故動則不妄是言偃之行也孔子曰欲能則學欲知

則問欲善則詳欲善其事當詳慎也欲給則豫事欲給而不礙當是而行偃也得之

矣。獨居思仁。公言言義。其於詩也。則一日三復。白圭之玷。玷缺也。詩曰。白圭之玷。尚可磨也。斯言之玷。不可為也。是宮縉之行也。孔子信其能仁。以為異士。殊異之士也。大

也。斯言之玷。不可為也。一日三復之慎之至也。戴引之曰。以為異姓婚姻也。以凡之。女妻之者也。自見孔子。出入於戶。未嘗越履。往來過之。足不

履影。言其往來常跡。故跡不履影也。啟蟄不殺。春分當發蟄。蟲啟戶。咸出於此時。不殺生也。方長不折。春夏生長。養時

不折。執親之喪。未嘗見齒。是高柴之行也。孔子曰。柴於親喪。則難能也。啟

蟄不殺。則順人道。方長不折。則恕仁也。成湯恭而以恕。是以日躋。躋升也。成湯行

恭而能恕。出見搏鳥。馬四面施網。乃去其三。面詩曰。湯降不遲。聖敬日躋。言湯疾行下人之道。其聖敬之德。日升聞也。凡此諸子。賜

之所親覩者也。吾子有命。而訊賜。賜也。固不足以知賢。文子曰。吾聞之

也。國有道。則賢人興焉。中人用焉。中庸之人。為時用也。乃百姓歸之。若吾子之論。既

富茂矣。壹諸侯之相也。壹皆抑世。未有明君。所以不遇也。子貢既與衛將軍

文子言。適魯。見孔子。曰。衛將軍文子問二三子之於賜。不壹而三焉。賜也

辭。不獲命。以所見者對矣。未知中否。請以告。孔子曰。言之乎。子貢以其辭

辭。不獲命。以所見者對矣。未知中否。請以告。孔子曰。言之乎。子貢以其辭

狀告孔子。子聞而笑曰。賜。汝次為人矣。言為知之次子貢對曰。賜也何敢知人。

此以賜之所覩也。孔子曰。然。吾亦語汝耳之所未聞。目之所未見者。豈思

之所不至。知之所未及哉。子貢曰。賜願得聞之。孔子曰。不克。不忌。不念。舊

怨。蓋伯夷。叔齊之行也。思天而敬之。服義而行信。孝於父母。恭於兄弟。從

善而不教道。趙文子之行也。其事君也。不敢愛其死。然亦不敢忘其身。謀

其身不遺其友。君陳則進而用之。陳謂陳列於君為君之使用也不陳則行而退。蓋隨武

子之行也。其為人之淵源也。多聞而難誕。誕歎內植足以沒其世。國家有道

其言足以治。無道其默足以生。蓋銅鞮伯華之行也。外寬而內正。自極於

隱括之中。隱括所以自極直己而不直人。汲汲於仁。以善自終。蓋蘧伯玉之行也。

孝恭慈仁。允德圖義。允信也。圖謀也約貨去怨。夫利怨之所聚。故約其貨以遠去其怨。輕財不匱。蓋

柳下惠之行也。其言曰。君雖不量於其身。謂不量度其臣之德器也臣不可以不忠於

其君。是故君擇臣而任之。臣亦擇君而事之。有道順命。君有道則順從其命無道衡

命衡橫也謂不受其命而隱居者也蓋晏平仲之行也。蹈忠而行信。終日言不在尤之內。

過尤國無道處賤不悶憂悶貧而能樂。蓋老來子之行也。易行以俟天命。易居

下不援其上。雖在下位不攀援其上以求進其親觀於四方也。不忘其親。不盡其樂。雖有觀四

方之樂常念其親不盡其歸之以不能則學。不為己終身之憂。凡憂憂所知不能則學何憂之有蓋介子

山之行也。子貢曰：敢問夫子之所知者。蓋盡於此而已乎？孔子曰：何謂其

然亦略舉耳目之所及而已。昔晉平公問祁奚曰：羊舌大夫晉之良大夫

也。其行如何？祁奚辭以不知。公曰：吾聞子少長乎其所。於其所長今子掩之。何

也？祁奚對曰：其少也恭而順。心有恥而不使其過宿。心常有所恥惡及其有過不令更宿輒改

其為大夫。悉善而謙。其端。盡善道而謙讓是其正也其為輿尉也。信而好直。其功。言其功直

至於其為容也。溫良而好禮。博聞而時出其志。時出以其出之誨未及之是其志也公曰：曩

者問子。子奚曰不知也？祁奚曰：每位改變。未知所止。是以不敢得知也。此

又羊舌大夫之行也。子貢跪曰：請退而記之。

賢君第十三

哀公問於孔子曰。當今之君。孰為最賢。孔子對曰。丘未之見也。抑有衛靈公乎。公曰。吾聞其閨門之內。無別而子次之賢。何也。孔子曰。臣語其朝廷行事。不論其私家之際也。公曰。其事何如。孔子對曰。靈公之弟曰公子渠牟。其智足以治千乘。其信足以守之。靈公愛而任之。又有士曰林國者。見賢必進之。而退與分其祿。是以靈公無遊放之士。靈公賢而尊之。又有士曰慶足者。衛國有大事。則必起而治之。國無事。則退而容賢。言其所以退者欲以容賢必待史鮪之入。而後敢入。臣以此取之。雖次之賢。不亦可乎。

於朝靈公悅而敬之。又有大夫史鮪以道去衛。而靈公郊舍三日。琴瑟不御。子貢問於孔子曰。今之人。臣孰為賢。子曰。吾未識也。往者齊有鮑叔。鄭有子皮。則賢者矣。子貢曰。齊無管仲。鄭無子產。子曰。賜。汝徒知其一。未知其二也。汝聞用力為賢乎。進賢為賢乎。子貢曰。進賢為賢哉。子曰。然。吾聞鮑叔

達管仲。子皮。達子產。未聞二子之達賢己之才者也。

哀公問於孔子曰。寡人聞忘之甚者。從而忘其妻。有諸。孔子對曰。此猶未甚者也。甚者乃忘其身。公曰。可得而聞乎。孔子曰。昔者夏桀。貴為天子。富有四海。忘其聖祖之道。壞其典法。廢其世祀。荒于淫樂。耽湎于酒。佞臣諂諛。窺導其心。忠士折口。逃罪不言。折口杜口天下誅桀而有其國。此謂忘其身之甚矣。

顏淵將西遊於宋。問於孔子曰。何以為身。子曰。恭敬忠信而已矣。恭則遠於患。敬則人愛之。忠則和於衆。信則人任之。勤斯四者。可以政國。豈特一身者哉。特但故夫不比於數。而比於疎。不亦遠乎。不比親數近疎遠也不修其中而修外者。不亦反乎。慮不先定。臨事而謀。不亦晚乎。

孔子讀詩于正月六章。惕然如懼。曰。彼不達之君子。豈不殆哉。從上依世。則道廢。違上離俗。則身危。時不興善。已獨由之。則曰非妖即妄也。故賢也。

既不遇天恐不終其命焉。桀殺龍逢，紂殺比干，皆是類也。詩曰：謂天蓋高。

不敢不局，謂地蓋厚，不敢不踏。

此正月六章之辭也。局，曲也。言天至高已不敢不曲，身危行恐上觸忌諱也。踏，累足。

也。言地至厚已不敢不累足，懼陷累在位之羅網也。

此言上下畏罪無所自容也。

子路問於孔子曰：賢君治國，所先者何？孔子曰：在於尊賢而賤不肖。子路

曰：由聞晉中行氏尊賢而賤不肖矣，其亡何也？孔子曰：中行氏尊賢而不

能用，賤不肖而不能去，賢者知其不用而怨之，不肖者知其必已賤而讎

之，怨讎並存於國，鄰敵構兵於郊，中行氏雖欲無亡，豈可得乎？

孔子閑處，喟然而歎曰：嚮使銅鞮伯華無死，則天下其有定矣。子路曰：由

願聞其人也。子曰：其幼也敏而好學，其壯也有勇而不屈，其老也有道能

下人有此三者，以定天下也，何難乎哉？子路曰：幼而好學，壯而有勇，則可也。

若夫有道下人，又誰下哉？子曰：由不知吾聞以衆攻寡，無不尅也。以貴下賤，

無不得也。昔者周公居冢宰之尊，制天下之政，而猶下白屋之士。

草屋也。

日見

百七十人斯豈以無道也欲得士之用也惡有有道而無下天下君子哉

齊景公來適魯舍于公館使晏嬰迎孔子孔子至景公問政焉孔子答曰

政在節財公悅又問曰秦穆公國小處僻而霸何也孔子曰其國雖小其

志大處雖僻而其政中其舉也果其謀也和法無私而令不愉愉宜為偷偷苟且也

首拔五穀爵之大夫首宜為身五穀大夫百里奚也與語三日而授之以政此取之雖王

可其霸少矣景公曰善哉

哀公問政於孔子孔子對曰政之急者莫大乎使民富且壽也公曰為之

奈何孔子曰省力役薄賦斂則民富矣敦禮教遠罪疾則民壽矣公曰寡

人欲行夫子之言恐吾國貧矣孔子曰詩云愷悌君子民之父母未有子

富而父母貧者也

衛靈公問於孔子曰有語寡人曰有國家者計之於廟堂之上則政治矣

何如孔子曰其可也愛人者則人愛之惡人者則人惡之知得之己者則

知得之人。所謂不出環堵之室。而知天下者。知及已之謂也。

孔子見宋君。君問孔子曰。吾欲使長有國。而列都得之。國之列都皆得其道吾欲使

民無惑。吾欲使士竭力。吾欲使日月當時。吾欲使聖人自來。吾欲使官府

治理。為之奈何。孔子對曰。千乘之君。問丘者多矣。而未有若主君之問。問

之悉也。然主君所欲者。盡可得也。丘聞之。鄰國相親。則長有國。君惠臣忠。

則列都得之。不殺無辜。無釋罪人。則民不惑。士益之祿。則皆竭力。尊天敬

鬼。則日月當時。崇道貴德。則聖人自來。任能黜否。則官府治理。宋君曰。善

哉。豈不然乎。寡人不佞。不足以致之也。孔子曰。此事非難。唯欲行之云耳。

辯政第十四

子貢問於孔子曰。昔者齊君問政於夫子。夫子曰。政在節財。魯君問政於

夫子。夫子曰。政在諭臣。葉公問政於夫子。夫子曰。政在悅近而來遠。三者

之間。一也。而夫子應之不同。然政在異端乎。孔子曰。各因其事也。齊君為

國奢乎臺榭淫于苑囿五官伎樂不解於時一旦而賜人以千乘之家者

三故曰政在節財魯君有臣三人孟孫叔孫季孫三人內比周以愚其君外距諸侯

之賓以蔽其明故曰政在諭臣夫荆之地廣而都狹民有離心莫安其居

故曰政在悅近而來遠此三者所以為政殊矣詩云喪亂蔑資曾不惠我

師蔑無也資財也師眾也夫為亡亂之政重賦厚斂民無資財曾莫肯愛我眾此傷奢侈不節以為亂者也又

曰匪其止共惟王之印止息也印病也讒人不共所止息故惟王之病此傷姦臣蔽主以為亂者

也又曰亂離瘼矣奚其適歸離憂也瘼病也言離散以成憂憶禍亂於斯歸於禍亂者也此傷離散以

為亂者也察此三者政之所欲豈同乎哉

孔子曰忠臣之諫君有五義焉一曰諂諫正其事以厥諫其君二曰戇諫戇諫無文飾也三

曰降諫卑降其體所以諫也四曰直諫五曰風諫唯度主而行之吾從其諷諫乎風諫

依違遠罪避害者也

子曰夫道不可不貴也中行文子倍道失義以亡其國而能禮賢以活其

身。此說背義失道不宜說得道之意而云禮賢不與上相次配又文子無禮賢之事中行文子得罪於晉出亡至邊從者曰謂此嗇夫者君子也故休馬待駿者文子曰吾好音子遺吾琴好珮子遺吾玉是以不振吾過自容於我者也吾恐其以我求容也遂不入車人聞文子之所言執而不殺之孔子聞之曰文子倍道失義以亡其國然聖人轉禍為福此謂是與得之由活其身而能禮賢以為宜以然後得也

若入將死不入得楚王將遊荆臺司馬子祺諫王怒之令尹子西賀於殿下諫曰今荆臺之觀不可失也王喜拊子西之背曰與子共樂之矣子西步馬十里引轡而止曰臣願言有道王肯聽之乎王曰子其言之子西曰臣聞為人臣而忠其君者爵祿不足以賞也諛其君者刑罰不足以誅也夫子祺者忠臣也而臣者諛臣也願主賞忠而誅諛焉王曰今我聽司馬之諫是獨能禁我耳若後世遊之可也子西曰禁後世易耳大王萬歲之後起山陵於荆臺之上則子孫必不忍遊於父祖之墓以為歡樂也王曰善乃還孔子聞之曰至哉子西之諫也入之於千里之上抑之於百世之後者也

子貢問於孔子曰。夫子之於子產。晏子。可為至矣。敢問二大夫之所為。目夫子之所以與之者。孔子曰。夫子產於民為惠主。於學為博物。晏子於君為忠臣。於行為恭敏。故吾皆以兄事之。而加愛敬。

齊有一足之鳥。飛習於公朝。下止於殿前。舒翅而跳。齊侯大怪之。使使聘魯。問孔子。孔子曰。此鳥名曰商羊。水祥也。昔童兒有屈其一脚。振訊兩眉而跳。且謠曰。天將大雨。商羊鼓舞。今齊有之。其應至矣。急告民。趨治溝渠。脩隄防。將有大水為災。頃之大霖雨。水溢泛諸國。傷害民人。唯齊有備不敗。景公曰。聖人之言。信而有徵矣。

孔子謂宓子賤曰。子治單父。眾悅。子何施而得之也。子語丘所以為之者。對曰。不齊之治也。父恤其子。其子恤諸孤。而哀喪紀。孔子曰。善。小節也。小民附矣。猶未足也。曰。不齊所父事者三人。所兄事者五人。所友事者十一人。孔子曰。父事三人。可謂教孝矣。兄事五人。可以教悌矣。友事十一人。可

以舉善矣。中節也。中人附矣。猶未足也。曰：此地民有賢於不齊者五人。不齊事之而稟度焉。皆教不齊之道。孔子歎曰：其大者乃於此乎有矣。昔堯舜聽天下。務求賢以自輔。夫賢者百福之宗也。神明之主也。惜乎不齊之所以治者小也。

子貢為信陽宰。將行。辭於孔子。孔子曰：勤之慎之。奉夫子之時。無奪無伐。無暴無盜。子貢曰：賜也少而事君子。豈以盜為累哉。孔子曰：汝未之詳也。夫以賢代賢。是謂之奪。以不肖代賢。是謂之伐。緩令急誅。是謂之暴。取善自與。是謂之盜。盜非竊財之謂也。吾聞之。知為吏者。奉法以利民。不知為吏者。枉法以侵民。此怨之所由也。治官莫若平。臨財莫如廉。廉平之守。不可改也。匿人之善。斯謂蔽賢。揚人之惡。斯為小人。內不相訕。而外相謗。非親睦也。言人之善。若己有之。言人之惡。若己受之。故君子無所不慎焉。子路治蒲三年。孔子過之。入其境。曰：善哉。由也。恭敬以信矣。入其邑。曰：善。

哉由也。忠信而寬矣。至庭曰：善哉由也！明察以斷矣。子貢執轡而問曰：夫子未見由之政，而三稱其善，其善可得聞乎？孔子曰：吾見其政矣。入其境，田疇盡易，草萊甚辟，溝洫深治，此其恭敬以信，故其民盡力也。入其邑，牆屋完固，樹木甚茂，此其忠信以寬，故其民不偷也。至其庭，庭甚清閑，諸下用命，此其言明察以斷，故其政不擾也。以此觀之，雖三稱其善，庸盡其美矣。

國家圖書館



004758557

